



SOG'LIQ BILIMLARI UNIVERSITETI

2024-2025 O'QUV YILI

TOSHKENT HAMSHIRALIK FAKULTETI

**TALABALARNI SARALASH VA QABUL QILISH IMTIHONLARI
BO'YICHA QO'LLANMA**

Sog'liq Bilimlari Universiteti Toshkent Hamshiralik Fakulteti
talabalarni saralash va qabul qilish imtihonlari
hamda soha yo'nalishi bo'yicha og'zaki suhbat sanalari

Ariza topshirish muddati	8 iyul - 26 avgust 2024 yil
Arizalarni ko'rib chiqish sanasi	27 avgust - 2 sentyabr 2024 yil
Talabalarni yozma (test) imtihoni sanasi	6 sentyabr 2024 yil
Suhbat shakldagi imtihon sanalari	7-9 sentyabr 2024 yil
Imtihon natijalarini e'lon qilish	10 sentyabr 2024 yil
Imtihon natijalariga appelyatsiya qabul qilish sanalari	11-13 sentyabr 2024 yil
O'qishga qabul qilinganlar uchun shartnoma tulov sanalari	16-22 sentyabr 2024 yil
Ta'limning boshlanishi	23 sentyabr 2024 yil

Tel : +998 903521555 (Murodjon Şokasimov)

Veb-sayt: <http://www.sbu.edu.tr>

**Manzil: Chilonzor tibbiyot kolleji, 100115, Chilonzor tumani, Nurxon ko‘chasi,
16, Toshkent, O‘zbekiston**

I. UMUMIY MA'LUMOT, ASOSIY TAMOIYIL VA QOIDALAR

1. Turkiya Respublikasi Prezidentning 04.08.2023 yildagi 7477-son qarori bilan Sog'liq bilimlari universiteti tarkibida O'zbekiston Respublikasi Toshkent shahrida tashkil etilgan Toshkent hamshiralik fakulteti 4 (to'rt) yillik Hamshiralik dasturini o'z ichiga oladi.

2. Ushbu qo'llanma 2024-2025 o'quv yili uchun Sog'liq bilimlari universiteti Toshkent hamshiralik fakultetiga o'qishga kirishni xohlovchi talabgorlarga mo'ljallangan.

3. 2024-2025 o'quv yili uchun O'zbekiston Respublikasining Toshkent shahrida tashkil etilgan Toshkent hamshiralik fakultetiga qabul o'rinlari soni jami 60 (oltmish) ta bo'lib, hammasi O'zbekiston fuqarolari uchun ajratilgan. Ta'lim tili o'zbek va turk tillari bo'ladi.

4. Sog'liq bilimlari universiteti Toshkent hamshiralik fakultetiga qabul uchun kirish imtihonlari 2 bosqichda yozma (test) imtihon va sohayo'nalishi bo'yicha og'zaki suhbat shaklida o'tkaziladi. Arizalar 2024-yil **8 iyuldan 26 avgustga qadar** qabul qilinadi (26 avgust kuni ham). Manzil: **Chilonzor tibbiyot kolleji, 100115, Chilonzor tumani, Nurxon ko'chasi, 16, Toshkent, O'zbekiston.**

5. Sog'liq bilimlari universiteti Toshkent hamshiralik fakultetiga 2024-2025 yilda kuzgi semestrda Sog'liq bilimlari universitetining Talabalarni saralash va qabul qilish komissiyasining yozma (test) imtihoni va soha yo'nalishi bo'yicha suhbat natijalari xulosasi asosida amalga oshiriladi.

6. Sog'liq bilimlari universitetiga kirish imtihonlari **2024 yilning 6 sentyabr kuni soat 11.00 da** O'zbekistonning shahrida abiturentning shaxsan ishtirokida oflayn formatda o'tkaziladi.

7. O'zbekiston fuqarolari uchun Toshkent hamshiralik fakultetiga kirish imtihonlari yozma va og'zaki suhbat shaklida o'tkaziladi. Soha yo'nalishi bo'yicha og'zaki suhbat yozma imtihonlar tugagach **2024 yilning 7-9 sentyabr sanalarida** (soat 10:00-17:00 gacha) bo'lib o'tadi. Zarurat bo'lganda (fors-major holatlarda) suhbat onlayn shaklda o'tkazilishi mumkin.

8. 2024-2025 o'quv yilida Sog'liq bilimlari universiteti Toshkent hamshiralik fakulteti uchun 60 ta asosiy va 30 ta zahira kvota ajratilgan. Bu zaxira o'rinlaridan asosiy kvotani to'ldirish maqsadida foydalaniladi.

9. Sog'liq bilimlari universiteti Toshkent hamshiralik fakultetiga kirish imtihonlariga qatnashgan talabgorlarning yozma va og'zaki suhbat natijalari faqat 2024-2025 o'quv yili uchun amal qiladi va keyingi o'quv yillarida ahamiyatga ega emas.

10. Universitetimiz va talabgor abiturentlar orasidagi muloqotda turk, o'zbek, rus va ingliz tillaridan foydalaniladi.

11. Imtihon topshiradigan talabgorlar imtihon kunlari o'zlari bilan pasport yoki boshqa shaxsini tasdiqlovchi hujjatlarini olib kelishlari shart.

12. Sog'liq bilimlari universiteti talabalarini saralash va qabul qilish imtihoniga hujjat topshirgan, lekin yozma imtihonda qatnashmagan nomzodlar soha yo'nalishi bo'yicha og'zaki suhbat imtihoniga kiritilmaydi.

13. Sog'liq bilimlari universiteti Toshkent hamshiralik fakultetiga kirish uchun o'tkazilgan imtihon natijalari faqat shu ta'lim muassasasi uchun amal qiladi.

II. HUJJAT TOPSHIRISH JARAYONI

- 2024-2025 o'quv yilida Sog'liq bilimlari universiteti Toshkent hamshiralik fakultetiga o'qishga qabul qilinadigan talabalardan yozma va og'zaki suhbat imtihonlarida qatnashish uchun to'lov olinmaydi.
- 2024-2025 o'quv yilida Sog'liq bilimlari universiteti Toshkent hamshiralik fakultetiga kirish uchun talabgorlar yo'riqnomada ko'rsatilgan manzilda, belgilangan sanalarda hujjatlarini to'liq topshirishlari lozim. **Chilonzor tibbiyot kolleji, 100115, Chilonzor tumani, Nurxon ko'chasi, 16, Toshkent, O'zbekiston.**
 - Hujjatlar to'liq bo'lmagan talabgorlarning arizalari ko'rib chiqilmaydi. Ariza topshirish jarayonida talabgordan talab qilinadigan hujjatlar:
 - Fuqarolik guvohnomasi yoki pasport
 - Maktab, litsey yoki kollej diplomi
 - fotosurat

4. Sog'liq bilimlari universiteti Toshkent hamshiralik fakultetiga arizalar O'zbekiston fuqarolari tomonidan topshirilish mumkin.

5. Agar O'zbekiston fuqaroligi bo'lgan shaxslar keyinchalik Turkiya mamlakat fuqaroligini olgan bo'lsa, yoki ikkita fuqarolikka ega bo'lsa Toshkent hamshiralik fakultetiga kirish uchun hujjat topshira olmaydi.

6. Turkiyadagi istalgan oliy ta'lim muassasasiga ro'yxatdan o'tgan O'zbekistonlik fuqarolar Toshkent hamshiralik fakultetiga kirish uchun hujjat topshira olmaydi. Agar talabgorlar arizasini saralash jarayonida bunday holatlar aniqlansa ariza haqiqiy emas deb qabul qilinadi. Agar bunday holat saralash va qabuldan keyin aniqlansa bekor qilinadi.

7. Ariza va to'ldirilgan ma'lumotnomada keltirilgan ma'lumotlar haqiqiylikiga bevosita abiturentning o'zlari javobgar hisoblanadi. Anketaning shaxsini tasdiqlovchi ma'lumotlar maydonlari nomzodning pasportidagi shaxsni tasdiqlovchi ma'lumotlarni o'zgartirmagan holda va qisqartmalarsiz kiritilishi kerak.

8. Anketada so'ralgan elektron pochta va telefon aloqa ma'lumotlari talabgorga tegishli bo'lishi va har bir nomzod faqat bitta elektron pochtdan foydalanishi kerak. Ushbu elektron pochta orqali boshqa talabgorlar nomidan yozishmalar/operatsiyalar amalga oshirilmasligi kerak.

9. Maktab, litsey yoki kollej diplomi turk, rus, o'zbek yoki ingliz tillari yozilmagan bo'lsa, ushbu hujjatning turkchaga tarjima qilib, notarial tasdiqlangan nusxasi taqdim etiladi.

10. Nomzodlarning suhbatga bo'lgan arizasining muvofiqligi Sog'liq bilimlari universitetining talabalarini tanlash va joylashtirish imtihon va suhbat komissiyasi tomonidan baholanadi.

III. TO'LOV QILISHJARAYONLARI

1. Talabalarni tanlash va joylashtirish imtihonlari natijasida talabalikka qabul qilish huquqini qo'lga kiritgan va tegishli dastur bo'yicha o'qishga kirgan nomzodlar orasidan talabalikka qabul qilish huquqidan voz kechgan va o'qishni davom ettirmagan nomzod talabalar tomonidan to'langan o'quv to'lovlari qaytarib berilmaydi.
2. Nomzodlar talabalikka qabul qilish muddati davomida quyida ko'rsatilgan tamoyillarga muvofiq o'zlari ro'yxatdan o'tadigan dasturning o'qish to'lovini to'laydilar.
3. 2024-2025 o'quv yilida o'tkaziladigan Talabalarni tanlash va joylashtirish imtihonlari natijasida yakuniy talabalikka qabul qilish huquqiga ega bo'lgan nomzodlar uchun to'lovlar quyidagicha:

Hamshiralik dasturi uchun yillik o'qish to'lovi:

1 500 \$ (bir ming besh yuz amerika dollari) yoki shu miqdorga tenglashtirilgan O'zbekiston so'mi hisobievaziga olinadi.

a) Istalgan dasturga kirish huquqiga ega bo'lgan nomzodlar o'qish to'lovini butun O'zbekiston bo'ylab yoki Toshkent viloyatidagi bank filiallarida to'lashlari mumkin.

b) Sog'liq bilimlari universiteti tomonidan o'tkazilgan Talabalarni tanlash va joylashtirish imtihonida muvaffaqiyatli o'tgan va yakuniy ro'yxatdan o'tish huquqini qo'lga kiritgan nomzodlar har bir semestr boshida dasturlarga muvofiq yillik o'qish to'lovining yarmini to'lashlari kerak. Aks holda, siz tegishli akademik davr uchun ro'yxatdan o'tish huquqiga ega bo'lmaysiz.

IV. O'ZBEKISTON RESPUBLIKASI VA XORIJDAN TURIB O'QISH UCHUN TO'LOV QILISH JARAYONIDA E'TIBORLI BO'LISH ZARUR BO'LGAN HOLATLAR.

1. O'qish uchun to'langan pul tashkilot hisob raqamiga o'tkazilib depozitga kiritilgandan so'ng to'lov amalga oshirilgan deb hisoblanadi.
2. O'qish to'lovi uchun maxsus chek, konvertidagi pul, pochta cheki va shunga o'xshash boshqa qog'ozlar yuborilishi qat'iy taqiqlanadi.
3. Bank tomonidan olinadigan tranzaksiya to'lovlari o'quv to'loviga kiritilmaydi.
4. O'qish to'lovi to'langunga qadar talabgor qabul qilingan yo'nalish bo'yicha ro'yxatga olinmaydi.

5. O'qish to'lovini to'lagan abituriyentlar bank bo'limidan chiqishdan oldin o'zlariga berilgan bank chekini sinchiklab o'rganib chiqishlari, ma'lumotlarida xatolik bo'lsa bank xodimiga qayta murojaat qilishlari va xatoliklarni tuzatishlari kerak.

V. SOG'LIQ BILIMLARI UNIVERSITETIGA O'QISHGA KIRISH UCHUN MUHOJAAT QILGAN TALABGORLAR ARIZALARINI DASTLABKI SARALASH.

1. Topshirilgan arizalarning qo'yilgan talablarga muvofiqligi Sog'liq bilimlari universiteti tomonidan tayinlangan talabalarini saralash va qabul imtihonlariga yo'naltirish komissiyasi tomonidan baholanadi.

2. Arizalarni baholash va talabgorni yo'nalishlarga mos qabul qilish, kvotalarning to'lishi yoki tuldirlmasligi butunlay Sog'liq Bilimlari universiteti vakolatida bo'ladi.

3. Murojaatda talab qilinadigan barcha hujjatlar tegishli organlar tomonidan tasdiqlanishi kerak.

4. Dastlabki baholash natijalariga ko'ra yozma imtihon topshirish huquqiga ega bo'lgan nomzodlar universitetimiz veb-saytida e'lon qilinadi.

VI. SOG'LIQ BILIMLARI UNIVERSITETI TOSHKENT HAMSHIRALIK FAKULTETIGA QABUL QILISH IMTIHONLARI

1. Nomzodlarning murojaat arizalari Sog'liq bilimlari universiteti talabalarini saralash va yo'nalishlar bo'yicha taqsimlash komissiyasi tomonidan ko'rib chiqiladi. Ko'rib chiqish jarayonida talab qilingan hujjatlar to'liqligi yoki undagi kamchiliklar aniqlanadi. Arizalari qabul qilingan abituriyentlar imtihon kuni o'zlari bilan pasport va yoki shaxsni tasdiqlovchi hujjat olib kelishlari talab qilinadi.

2. Sog'liq bilimlari universitetiga talabalarni qabul qilish kirish imtihonining birinchi bosqichi (test) **2024-yil 6 sentyabr kuni** soat 11:00 da O'zbekiston Respublikasining Toshkent shahrida bo'lib o'tadi.

3. Sog'liq bilimlari universitetiga talabalarni qabul qilish kirish imtihoni jami 90 ta test savoldan iborat bo'lib, uning davomiyligi 150 (bir yuz ellik) daqiqa.

4. Sog'liq bilimlari universitetiga talabalarni qabul qilish kirish imtihoni test savollari matematika, kimyo va biologiya fanlari bo'yicha tuzilgan bo'lib, biologiya bo'yicha 40 ta, kimyo bo'yicha 30 ta va matematika bo'yicha 20 ta imtihon savollaridan iborat.

5. Imtihon savollarida beshta (5) variant mavjud bo'lib, ulardan faqat bittasi to'g'ri javob sanaladi. Imtihon savollarining to'g'ri variantlarini savollar kitobchasida va sizga beriladigan javoblar varaqasiga belgilashingiz kerak.

6. Javoblar varaqasida yo'l qo'yilishi mumkin bo'lgan xatolarni kamaytirish maqsadida imtihon topshiruvchilar imtihon boshlanishidan oldin nazoratchilar tomonidan javoblar varaqasini to'ldirish tartibi bilan tanishtiriladilar.

VII. SOG'LIQ BILIMLARI UNIVERSITETI TOSHKENT HAMSHIRALIK FAKULTETI OG'ZAKI SUHBAT IMTIHONI

1. Soha yo'nalishi bo'yicha og'zaki suhbat imtihoni yozma (tet) imtihondan keyin Sog'liq bilimlari universitetining Talabalarni saralash va qabul qilish komissiyasi tomonidan o'tkaziladi. Yozma (test) imtihonda yuqori ball olgan, belgilangan kvotaning 3 (uch) barobaridan boshlab suhbatga chaqiriladi. Suhbatga chaqiriladigan nomzodlar universitet veb-saytida e'lon qilinadi. Nomzodlar suhbatga kelganda o'zlari bilan pasport va yoki shaxsini tasdiqlovchi hujjatlarini olib kelishlari shart.

2. Sog'liq bilimlari universitetiga qabul imtihoninig soha yo'nalishi bo'yicha og'zaki suhbat Toshkent **Chilonzor tibbiyot kollejida** bo'lib o'tadi. Toshkent hamshiralik fakultetiga nomzodlar uchun suhbat 2024-yil **7-9 sentyabr kunlari** mahalliy vaqt bilan soat 10:00 dan 17:00 gacha bo'lib o'tadi.

3. Talabalarni tanlash va joylashtirish markazi (ÖSYM) tomonidan o'tkazilgan TR-YÖS

imtihonini topshirgan nomzodlarning imtihondagi muvaffaqiyati suhbat imtihonida hisobga olinadi.

VIII. SOG'LIQ BILIMLARI UNIVERSITETI TOSHKENT HAMSHIRALIK FAKULTETI TALABALARNI SARALASH NATIJALARINI BAHOLASH.

1. Sog'liq bilimlari universitetining Talabalarni saralash va qabul qilish imtihoni natijalari yakuniy ballari yozma (test) imtihon natijasi (60%), attestat balli (20%) va og'zaki suhbat balli (20%) jamlanmasidan iborat bo'ladi. Agar nomzodlar orasida ballar miqdori teng bo'lganholatlar kuzatilsa, tug'ilgan yili tanlov sifatida inobatga olinadi va yoshi kichik bo'lganlar tanlanadi.
2. Milliy yoki xalqaro miqyosda istalgan yo'nalish (fan, san'at yoki sport) bo'yicha yutuq sertifikatiga ega bo'lgan nomzodlar to'plagan umumiy ballariga qo'shimcha 5 ball qo'shish huquqiga ega. Ushbu qo'shimcha ballda nomzodlarning respublika yoki xalqaro miqyosda ishtirok etgan fan, san'at va sport yo'nalishlari bo'yicha tanlovlarda erishgan yutuqlari hisobga olinadi. Qo'shimcha ball faqat nomzodlarga tegishli bo'lgan sertifikatlardan biriga beriladi, hatto bir nechta sertifikatlar topshirilgan taqdirda ham balni hisoblashda ulardan faqat bittasi hisobga olinadi.
3. Nomzodlarning suhbat imtihon natijalari Universitetimiz veb-saytida e'lon qilinadi.
4. Yakuniy ro'yxatga olish Sog'liqni bilimlari universiteti, Toshkent hamshiralik fakultetida e'lon qilingan ro'yxatdagi muvaffaqiyat reytingiga ko'ra amalga oshiriladi.

IX. SOG'LIQ BILIMLARI UNIVERSITETI TOSHKENT HAMSHIRALIK FAKULTETI DASTUR KVOTASI

2024-2025 o'quv yilining kuz va bahorgi semestrlari uchun universitetimizning Toshkent hamshiralik fakultetiga 60 (oltmish) nafar talaba qabul qilinadi va ularning ta'limi 2024-2025 o'quv yilidan boshlanadi.

X. NOMZODLARNI YONALISHLAR BO'YICHA TAQSIMLASH TARTIBI

1. Sog'liq bilimlari universiteti Toshkent hamshiralik fakultetiga o'qishga qabul qilinadigan talabalarni aniqlashda saralash jarayonida to'plangan yozma (test) (60%), maktab, litsey yoki kollej diplomining balli (20%) va soha yo'nalishi bo'yicha og'zaki suhbat balli (20%) yig'indisidan iborat umumiy ball asosida amalga oshiriladi.
2. Arizalarni baholash va nomzodlarni qabul qilish butunlay Sog'liq bilimlari universiteti vakolatida. Qo'llanilishi kerak bo'lgan saralash chegara ballari Sog'liq bilimlari universiteti tomonidan tayinlangan komissiya tomonidan belgilanadi va universitet kvotani to'ldirish yoki to'ldirmaslik holati bo'yicha qaror qabul qilishi mumkin. Ariza shartlarini bajarish holati qabul qilish zarurligini kafolatlamaydi.
3. Talabalarning o'qishga qabul qilinganligi natijalari Talabalarni saralash va qabul qilish bo'yicha yo'riqnomada ko'rsatilgan sanalarda universitetimiz veb-saytida e'lon qilinadi.

XI. TALABALIKKA QABUL QILISH UCHUN ZARUR HUJJATLAR

1. Maktab, litsey yoki kollej diplomi asl nusxasi.
2. Universitetimiz tomonidan o'tkazilgan Talabalarni saralash va qabul qilish imtihonlari natijalari haqidagi hujjat nusxasi.
3. Oltita (6) 4,5 x 6 sm o'lchamdagi pasport fotosurati (oxirgi olti oy ichida, old tomondan, nomzodni osongina aniqlashi mumkin bo'lgan tarzda olingan bo'lishi kerak).
4. O'quv to'lovi to'langanligi to'g'risidagi bank kvitansiyasining asl nusxasi.
5. Ariza berish, joylashtirish va ro'yxatdan o'tkazish jarayonida yolg'on ma'lumot bergan, soxtalashtirilgan, qalbaki, to'liq bo'lmagan va noto'g'ri hujjatlarni taqdim etgan shaxslarning arizalari rad etiladi. Agar ushbu nomzodlarni ro'yxatga olish amalga oshirilgan bo'lsa, ular o'qiyotgan semestrda qat'iy nazar, bekor qilinadi. Yuqoridagi noqonuniy holatlar aniqlangan

shaxslarga nisbatan zaruriy qonuniy choralar ko'riladi. O'qish to'lovlari qaytarilmaydi.

**XII. SOG'LIQ BILIMLARI UNIVERSITETI 2024-2025 O'QUV YILI UCHUN
TOSHKENT HAMSHIRALIK FAKULTETIGA TALABALARNI SARALASH VA
TAQSIMLASH BALLARINI ASOSLASH.**

nomi	foiz ulushi	nomi	Foiz ulushi	nomi	Foiz ulushi	Milliy yoki xalqaro sertifikat	Umumi yball
Sog'liq bilimlari universiteti saralash va taqsimlash imtihoni (test)	60%	Maktab, litsey va kollej diplom balli	20%	Soha yo'nalis hi bo'yicha og'zaki suhbat	20%	5%	105